

小菅山人所権現并元隆寺来由記

天文十一（1542）年壬寅五月 別當并衆徒中。

『中近世の地方山岳信仰に関する調査研究報告書』

（元興寺文化財研究所2004）より。

小菅山人所権現の内に「第七戸隠権現（太刀／雄命）本地正観音」とある。

同報告書所載で「文化十四年丁丑極月吉日 謹書写之」とある「小菅神社伝記」にも、戸隠について同様の記述がある。

信濃國高井郡小菅山人所権現并

元隆寺来由記

夫當山者役行者之草創人所権現靈
應之地也曾聞往古役公爲求勝地天
下名山耳目所經未嘗不究一日逍遙
此地熟視山状巒巖豁溪之美神木靈
草之色實是物外一乾坤而已是以拂
白雲簇簇尋瑞氣翩翩拳躋絶頂則逢
一異人役公稽首問曰此所何所抑公

何人乎異人曰此山古佛練行之洞諸
神集會地汝宜棲止此地興法利生我
是又住此山擁護佛法者也言訖忽然
不見役公得異人教感喜銘肝又觀東
嶺紫雲靉黳而遍覆絕頂絕頂有巖窟
光明滿窟役公又凝信唱念神咒則山
頂動搖異香芳郁于時忿怒馬頭勸自在
尊忽然示現役公以為奉拝生身薩捶
不可思議因緣也且勸請諸神奉乞加
被瞑目合掌再凝精誠熊野金峯白山
立山山王走湯戸隱等七所靈神爭先
出現繇繫建立人所宮殿於窟內奉崇
神威然後行基菩薩遊踐之月手親運
斧彫刻人所權現本地尊像締構一堂
安泰之名曰加耶吉利堂所謂人所本地
者第一熊野權現（伊弉／冉尊）本地阿彌陀佛
第二金峯權現（安閑／天王）本地釋迦如來第
三白山權現（伊弉／諾尊）本地十一面觀音第
四立山權現（大國／魂命）無量壽佛第五山王
權現（大己／貴命）本地藥師如來第六走湯權

現（瓊々／杵尊）本地准胝觀音第七戸隱權現

（太刀／雄命）本地正觀音第八小菅權現（摩多／羅神）

本地馬頭觀音是也就中摩多羅神者

相傳天竺靈鷲山地主而為佛法擁護

所所垂跡當山其隨一也（摩多羅神／託宣行者）爾

後延曆十四乙亥年東夷反逆 延曆帝

聞人所權現神威使當山第五世祖壽

元上人祈逆徒對治伽藍造營御願感

應如響逆徒伏誅王事無監大同元年

田村將軍奉之再建人所權現本宮并

加耶吉利堂輪奐改觀又新建元隆寺

所謂金堂講堂及舜臺三重宝塔荒神

堂鐘樓大門（是則仁王門也弘法大師乃／書元隆寺三大字

以文其楣）

等其莊嚴美麗不可勝言奉安置之本

尊多是行基菩薩所握規矩落慶供養

之夜八幡大神來白馬示現北山之麓

即建神祠以為鎮守又五智常樂多繇

阿遮文殊彌勒妙見辨天等諸堂里宮

白山野中八王子諏訪三嶋飯繩等神

祠并三十末社等碁如布星如列規制
宏麗個中飯繩權現者往昔役公於當
山南嶺親所感見其爲形像右執利劔
左持繙索住火生三昧恰如阿遮羅尊
但以尖鼻雙翼乘白狐爲異耳又衆徒
僧房仁王門內大分爲三上院內十六
坊中院內十坊下院內十一坊是也上
院十六坊者本坊號發心坊大聖院也
日光坊月光坊一山役寺也奇靈坊大
來坊西之坊岩本坊東光坊淨池坊杉
本坊櫻本坊伊勢坊西塔坊桂本坊南
岳坊林泉坊（已／上）中院十坊者池之坊淨
蓮坊窪井千藏坊光圓坊吉祥坊正
覺坊行善坊義蓮坊松本坊（已／上）下院十
一坊者井之坊中之坊嶋之坊眞光坊
平等坊正智坊西光坊梅本坊雙圓坊
圓正坊柳本坊（已／上）右三院合三十七坊
分區接薨締構盡美又神職四人修驗
四人神樂座八人各有所司又當山末
院十箇寺所謂神戶村觀音寺內山村

神宮寺小見村浮陀寺和栗村南光院
柏尾村道成寺小倉崎村美妙寺飯山
村大岩寺小境村藥王院魂嶋村普明
寺犬飼村湯泉寺是也此外門徒廿六
箇寺（寺號及所住地／名恐煩略之）又山麓有七村所

謂小菅北澤針田前坂關澤小見神戸
是也右此七村結界神境殺生禁斷之
地也此地所生男女禁食鳥獸若有犯
之忽得神罰即時隕命或瞎兩眼或受
癩病等先蹤既溢目縱雖他鄉人詣當
山輩精進潔齋而深慎忌服穢火若不
然則却受神咎自元此七村當山神領
守護不入之地也即立華表示其結界
西華表大倉崎口北花表前坂口南花
表小見及神戸口建之已上三方華表
称第一華表即以此内爲結界地又針
田關澤境地建第二花表已上四箇華
表一一揭額共是名筆也又境内古木
惟多大門行樹翠陰蒨鬱盪摩宵漢於
中称五本杉鞍掛松太平杉者最秀辟

木又影向松繁茂奧院巖窟上華表杉
雙立窟前又年中有八度祭禮衆徒於
金堂勤大般若理趣三昧法華八講法
會之間伶人奏樂衆徒論議修驗於神
輿前修柱松柴燈護摩神主樂人等於
舜臺奏神樂爲兒舞七箇村民爲種種
伎藝奏慰神慮而已此月瞻禮之輩摩
肩接膝又貞治四年春當山係回録之
變佛殿神宇悉爲灰塵將軍義滿公命
當國高井水内兩郡守護泉信濃守氏
重使司再營之事從應安元年至嘉慶
二年殆復奮貫又依義滿公命祭源家
十一代靈於里宮左相殿爾後當國守
護氏重祭先祖源重望同政重靈於里
宮右相殿故併本社称里宮三光權現
是則人所權現祭禮之日神幸之地也

（俗云／御旅）當山寺領配當者小菅村百三十

貫文本坊北澤村廿五貫文同斷針田
村八十貫文御供料前坂村二十五貫
文護摩料神戸村百廿貫文修覆料關

澤村百十貫文祭禮料（内十五貫文小／倉崎村之内也）

小見村貳百十貫文衆徒料（内貳拾貫／文小沼村）

（之／内）惣計七百貫文也右採舊記之要併

考圖繪且撫古老之傳録以貽後昆云

天文十一年壬寅五月 別當并

衆徒中

来由記中旧前坂村ヨリ永廿五貫文卜登記アル仍テ

今般本縣御達シニ因リ明細帳取調ニ付該村沿

革調査候処全ク慶長十年御水帳及ヒ古老ノ

口碑等ニ古昔ヨリ村内一般社領ニシテ敢テ永廿五貫

文ノミニ非ス則チ慶長十年御水帳ニ高八拾六石三斗

八升五合卜判然ス且大聖院住義泉房ノ記録ニモ

永録年度迄右領地トアリ其他残欠ノ書ヲ参

考シ左ノ通正誤ス

永八拾六貫文 前坂村

永百四拾九貫文 小見村

右旧小見村ハ実地ヲ参考以テ改正ス

明治十二年卯十一月十三日

右神社祠掌兼

刊導武田廣助（印）

右村々長

笹岡彌惣治（印）

右村氏子惣代